

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKWENGEZA (SAL)

IPHEPHA LOKUTHOMA (P1)

NOVEMBA 2022

IMITLOMELO: 80

ISIKHATHI: Ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B, kanye NESIGABA C.

ISIGABA A: Ukufunda nokuzwisisa	(30)
ISIGABA B: Ukurhunyeza	(10)
ISIGABA C: Izakhi nemithetjhwana yokusetjenziswa kwelimi	(40)
2. Phendula YOKE imibuzo.
3. Thoma ISIGABA ESINYE NESINYE ekhasini ELITJHA.
4. Thalela ngemuva kokuphendula imibuzo yeSIGABA ngaSINYE.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda owodwa ngemva kwaleyo naleyo pendulo.
7. Peleda amagama ngendlela ekungiyi bewutlole nemitjho ezwakalako.
8. Niyayeleliswa kobana nisebenzise isikhathi ngendlela elandelako:

ISIGABA A: Imizuzu ema-45	
ISIGABA B: Imizuzu ema-20	
ISIGABA C: Imizuzu ema-55	
9. Tlola kuhle nangesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBUSO 1.2.

1.1 Funda itheksthi engenzasi bese uphendula imibuzo elandelako.

ITHEKSTHI A

UKUNGAQATJHWA KWABANTU ABATJHA ESEWULA AFRIKA	
1	Nasikhuluma ngomuntu omutjha eSewula Afrika sisuke sitjho umuntu oneminyaka eli-16 ukuya eminyakeni ema-35. Abantu abatjha beSewula Afrika banayo itjisakalo yokuba nekusasa elikhanyako njengabantu abatjha bakezinye iinarha. Lokhu kubonakala ngokobana isikolo bayasikhuthalela, bafunda bebaqede emayunivesithi. 5
2	Umraro omkhulu kukobana abanengi nanyana bafunde bebaqeda emayunivesithi abakghoni ukuthola imisebenzi ebayifundeleko. UNGqongqotjhe womNyango wezabaSebenzi nokuQatjha unomzana uThulas Nxesi utshwenyekile ngezinga lokwehla kokuqatjha kwabantu abatjha emikhakheni ehlukeleko. Ubuye waveza ukwehla emkhakheni wokukhiqiza (<i>Manufacturing</i>), wezokumayina, wezemali neminye nokobana kufanele kube namaqhinga azokulungisa ubujamobu. 10
3	Navane avuleka amathuba umraro kuba kukobana abaqatjhi bafune ilemuko leminyaka ethize ebantwini abatjha ababuya eyunivesithi. Bagcine bangakaqatjha ngonobangela wokobana abanalo. Kesinye isikhathi kube kukobana emisebenzini eminengi baqatjhana ngobuhlobo, bese kuthi labo abanganazo iihlobo bagcine bangakaqatjha. 15
4	I-Stats SA siveze ekotareni yokuthoma yomnyaka wee-2020 bona abantu abatjha abangaba ziingidi ezima-20 abasebenzi. Nekwenza bona izinga labantu abatjha abangesebenziko lijame emaphesendeni ama-63. Iimbalobalo lezi zibange iinkulumo ezihlaba uRhulumende ngokungatjheji ilutjha lenarha ngefanelo. Babodwa abathi uRhulumende wenarha kufanele abe nabantu abatjha eenkhundleni eziphezulu khona bazokukghona ukuzwisisa bebajamele abantu abatjha ngefanelo. 20
5	Kwaba nomtjhagalo lapho abantu abatjha ebaneziqubano batjhagalela e- <i>Union Building</i> . Abatjhaba bebatjhagalela ukuthi kwemisebenzi ngehliso yokobana uRhulumende kungaba nalokho akwenzako ngobujamobu. USibu Myeni oneminyaka ema-25 owayehlangana nabatjhagali uthi 'Okubuhlungu khulu kukobana umphakathi usibona njengabantu esihlulekileko epilweni nangabe asikghoni ukufumana umsebenzi nanyana sifundile sineziqubano.' Ikulumo le itjengisa igandelelo abantu abatjha abaqalana nalo qobe lilanga. 30

6	Ukutlhogeka kwemisebenzi kwenza bona abantu abatjha bazibandakanye ezintweni ezingakalungi. Abanye bagcina bazibandakanye ebulelesini, eendakamizweni, ukuthengisa idini, ukusela utjwala ngokudluleleko njll. Izenzo lezi ngizo ezenza bona ikusasa labo lonakale ukuya phambili begodu zisivezela umthelela omumbi wokungasebenzi kwabantu abatjha. Inengi ligcina ligandeleleka ngokomkhumbulo.	35
7	Qobe mnyaka nakugidingwa ilanga labantu abatjha uMengameli wenarha uhlala enza iinthembiso zokobana amathuba wemisebenzi azokuvuleka. Izenzo sakhesi sigcina sikwatisa abantu abatjha ngombana bathenjiswa amanga. Kunehlangano karhulumende I-National Youth Development Agency (NYDA) ehlose ukusiza abantu abatjha lokha nabafuna ukuthoma amabhizinisi kodwana awubonakali nomsebenzayo.	40

[Ithethwe ku-inthanethi yatjhugulelelwa esiNdebeleni]

- 1.1.1 Tlola ibizo lakaNgqongqotjhe ovezwe endimeni yesi-2 bewuveze nomNyango avela kiwo. (2)
- 1.1.2 Tlola imikhakha EMIBILI eveza ukwehla kwemikhiqizo ebalwe nguNgqongqotjhe endimeni yesi-2. (2)
- 1.1.3 Tlola bona bebabangaki abantu abatjha abangasebenziko ngomnyaka wee-2020. (1)
- 1.1.4 Veza indawo la abantu abatjha batjhagalela khona lokha nabanghonyoyila ngokungasebenzi. (1)
- 1.1.5 Hlathulula bona nakukhulunywa ngabantu abatjha enarheni yeSewula Afrika kusuke kutjiwo abantu abangangani ngokuya ngendima yoku-1 etheksthini engehla. (1)
- 1.1.6 Rhunyeza indlela umphakathi othatha ngayo abantu abatjha abafundileko kodwana bangasebenzi ngokuya ngokwendima yesi-5 yetheksthi engehla. Ipendulwakho ayibe liphuzu ELILODWA. (1)
- 1.1.7 Rhunyeza okumbi okwenziwa babantu abatjha lokha nabangayitholiko imisebenzi okuvezwe endimeni yesi-6. Ipendulwakho ayibe maphuzu AMABILI. (2)
- 1.1.8 I-Stats SA siveze inani eliphezulu khulu labantu abatjha abangasebenziko ngomnyaka wee-2020. Ucabanga bona ngikuphi okungenziwa babelethi nofana uRhulumende ukwehlisa inani eliphezulu kangaka lokungasebenzi kwabantu abatjha? Ipendulwakho ayibe liphuzu ELILODWA. (2)
- 1.1.9 Phendula ngoliQINISO nofana AKUSILO IQINISO bese usekela isiqunto osithathako ngephezu ELILODWA. (2)
- URhulumende ubasekela boke abantu abatjha ngeemali lokha nabafuna ukuvula amabhizinisi. (2)

- 1.1.10 Madanisa ubudisi obubakhona ebantwini abatjha ababuya emindenini yababelethi abanzima neyababelethi abamhlophe nabazifumana bangasebenzi. (2)
- 1.1.11 Khetha ipendulo enembako kezingenzasi.
- Abantu abatjha beSewula Afrika kungakathomi iDemokhrasi bebaqalene nomraro:
- A Wokubandlululwa
 - B Wokungatholi amathuba wokufunda
 - C Wobulelesi obudlangileko
 - D A no B
- (2)
- 1.1.12 Ucabanga bona siyokuba yini isiphetho sabantu abaya emayunivesithi bese bagcine bangayitholi imisebenzi abayifundeleko? Ipendulwakho ayibe liphuzu ELILODWA. (2)
- 1.1.13 Ngewakho umbono ucabanga bona uRhulumende wenza ngokwaneleko ukulungisa ubujamo babantu abatjha bokungasebenzi enarheni le.
- Ipendulwakho ayibe liphuzu ELILODWA. (2)
- 1.1.14 Coca ngokuphumelela kwehlangano ye-NYDA ekuthuthukiseni ilutjha leSewula Afrika. Ipendulwakho ayibe liphuzu ELILODWA. (2)

1.2 Qala isithombe esingenzasi bese uphendula imibuzo elandelako.

ITHEKSTHI B



[Sithethwe ku-www.images.com]

- 1.2.1 Tlola igama lesisetjenziswa setheknoloji esibonakala esithombeni esingehla. (1)
- 1.2.2 Tlola bona umuntu obonakala esithombeni esingehla ukuyiphi indawo. (1)
- 1.2.3 Ucabanga bona umuntu ovezwe esithombeni esingehla lo kubayini aphakamise izandla njengombana ensile. Ipendulwakho ayibe liphuzu ELILODWA. (2)
- 1.2.4 Tshwaya ngelihlo elibukhali ngesizo elilethwa sisetjenziswa esiphambi komuntu osesithombeni esingehla khulukhulu endaweni akiyo le. Ipendulwakho ayibe liphuzu ELILODWA. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Fundisisa itheksthi engenzasi bese uyayirhunyeza ngamaphuzu ali-7 amayelana **neendlela zokuhlalisana nabomakhelana.**

IMIYALO:

1. Amagama angadluli kwama-50.
2. Nombora imitjhwakho kusukela kewoku-1 bekufike kewe-7.
3. Umutjho ngaMUNYE owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleli utlole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

ITHEKSTHI C**IINDLELA ZOKUHLALISANA NABOMAKHELANA**

Umakhelana mumuntu oqakatheke khulu epilweni. Umumuntu wokuthoma omthintako lokha nawusebudisini. linhlobo zakho zizokuzwa ngaye mayelana nezinto ezikuvelelako. Ngalokho-ke kuqakathekile bona sibathande begodu sibahloniphe abomakhelana.

Nawufuna ukuphilisana kuhle nomakhelanakho kufanele niphane umlomo benazane bonyana ningebakwabani begodu nibuya kuphi. Umakhelana uzokugadela ipahlakho begodu akekho umuntu ongakonela amqalile. Faka isandla ngakwamakhelana nakunesidingo. Ungatholi kunomnyanya kodwana wena uhlezi ngakwakho uzithele ngamakhaza.

Itjhada lingelinye lezinto ezilwisa abomakhelana. Ukuphungula itjhada kuzokwenza bona uhlalisane kuhle nomakhelanakho. Ukubanga itjhada akusikho ukulilisela umrhatjho phezulu kwaphela kodwana nezinja ezikhonkothela butjhuleni ebusuku. Nawuzokuba nomnyanya, yazisa abomakhelana ngesikhathi sokuthoma nesokuphela komnyanya.

Ungahlebi ngomakhelanakho. Esikhathini esinengi ukuhleba kugcina sele kumamala. Indaba nayigegako ikhamba itjhuguluka, nayifika kewokugcina ayisabi njengekuthomeni. Abomakhelana abakhulume ngezinto ezakhako neziphathelene nokuthuthukisa umphakathi, ingasi ngamabizo wabantu. Nawunekinga nomakhelanakho mtjele, ungatjeli abanye abantu ngombana lokho kunganiraranisa.

Thulula bewutjhise iinzibi endaweni efaneleko. linzibi ezinokudla okunukako kunganilwisa. Nawunefuyo, itlhogomele ihlale ngakwakho ingayokonela umakhelana. Nawunekoloyi ungasijimisi imodere ibange ithuli kugcine kusilaphaza namafesidere nesitupe sakamakhelana. Kesinye isikhathi kutjhayiswa nabentwana abadlalela eendleleni. Balekela ukuzithola ungehlangothini lesincele nomakhelanakho ngokuthi utjhaye ngebelo elilingeneko. Abomakhelana abasekelanako bakha umphakathi ophilileko nonethando.

[Ithethwe ku-inthanethi yatjhugululelwa esiNdebeleni]

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3**

Qalisisa isikhangiso esingenzasi bese uphendula imibuzo elandelako.

ITHEKSTHI D**LISA UKUDOSA EMHLWENI, ULALE UBUTHONGO UBE LISANA!**

Iza kwa *Woolworths*, uzokuthenga isudu yokulala, uzifumanele amakowusu simahla! Woke umuntu uvumelekile. Sikuthoma ehloko sigcine eenyaweni ngamanani aphasi.

**Imibandela**

- Izambatho zakwa *Woolworths* zenzelwe umndenakho begodu zitjhiphile.
- Kuthengiselwa abanekarada lesitolo kwaphela.
- Ufumana amakowusu simahla nawuthenge ngaphezu kwama-R800.

[Ithethwe ku-www.images.com]

3.1 Dzubhula igama lokubolekwa elisetjenziswe esikhangisweni esingehlesi.


(1)

- 3.2 Tlola isikhathi sesenzo esivezwa sisakhi esithalelweko egameni elingenzasi. Yiza kwa *Woolworths*, uzokuthenga isudu yokulala. (1)
- 3.3 Tlola imihlobo yezambatho ongazithola kwa *Woolworths* ukuya ngesikhangiswesi. Ipendulwakho ayibe maphuzu AMABILI. (2)
- 3.4 Khetha ipendulo enembako kezilandelako.
- Isikhathi esifaneleko sokwembatha izambatho ezivezwe esikhangisweni esingehla:
- A Nawuya kwadorhodera
 - B Nawuya esikolweni
 - C Nawuya edorobheni
 - D Nawuyokulala
- (1)
- 3.5 Veza okukhombisa bona abantu abasesikhangisweni bazithabele izambatho abazimbetheko. Ipendulwakho ayibe liphuzu ELILODWA. (1)
- 3.6 Phendula ngoLIQINISO nofana AKUSILO IQINISO bese usekela isiqu nto osithathako ngephuzu ELILODWA.
- Isikhangiswesi sinebandlululo. (2)
- 3.7 Nawuqalisisa isikhangiswesi kunokutjhayisana kwemiqondo emagameni avezwe phezulu esikhangisweni nalawo asetjenziswe emibandeleni. Tshwaya ngelihlo elihlabako ngemiqondo etjhayisanako. (2)

[10]

UMBUZO 4

Qalisisa ikhathuni engenzasi bese uphendula imibuzo elandelako.



[Sithethwe ku-www.images.com]

- 4.1 Tlola amabizelo wabantu ababili abajamileko. (2)
- 4.2 Tlola indawo abantwaba abakiyo. (1)
- 4.3 Khuyini okusitjela bona abantwaba abasembhedeni ziingulani? Ipendulwakho ayibe liphuzu ELILODWA. (1)
- 4.4 Khetha ipendulo enembako kilezi ezilandelako.
- Ikulumo ethi, 'Lisa ukuzithwesa ngedolo,' ihlathulula bona ...
- A uyazikhakhazisa.
- B ukhulumela futhi.
- C akayazi into ayenzako.
- D uzinikelele ngomsebenzi ayedwa. (2)
- 4.5 Ingabe ilimi lomzimba kanye nekulumo kamma lo ojamileko lisitjelani ngaye. Ipendulwakho ayibe liphuzu ELILODWA. (1)
- 4.6 Phendula ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.
- Abantu abanjengomma ojamileko lo kufanele bazokusiza endaweni evezwe ekhathunini engehla le. (1)
- 4.7 Ngokubona kwakho, ucabanga bona umtlami wekhathuni le uyilandele imithetho yokukhandela ukurhatjheka kwengogwana yeCovid-19? Sekela ipendulwakho ngephuzu ELILODWA uqalise ekhathunini engehla. (2)

[10]

UMBUZO 5

5.1 Fundisisa itheksthi engenzasi bese uphendula imibuzo elandelako.

ITHEKSTHI F

UDlozi asikime. Uyamazi uyise bona libhubezi. Angamudla ahlaza. Uthe nakafika ngekhwitjhini, ibuye imicabango. Abone bonyana abazali bakhe abamthandi. Abawahloniphi amalungelwakhe. Sewuyihlanganisile iminyaka elitjhumi neminyaka ethobako. Unalo ilungelo lokuzithathela isiqunto ngepilo yakhe. Unalo ilungelo lokuphikisa lokho akubonako bona akuyi ngandlela. Kusasa uzokufika emsebenzini, abikele ukapteni wabo ngombana mfazi. Ayenze itiyeyo, abe ayise kuyise. Abase umlilo, abeke iimpoto, apheke. Kudliwe msinyana mhlokho, abe ahlanze nezitja. Abuyele ngelawini lakhe. Ayilungise ikulumo yakhe nemibuzo azoyibuza ukapteni kusasa. Ukusa kwaziwa nguye. UDlozi uthe nakabuya emsebenzini wafumana iinhlobo ezikude sezifikile. Bayamyala bona kumele aziphathe njani emendweni. Angathi nakalipholisa adelele indoda. Ahloniphe usosokana. Angaphikisani nabomrharibakhe.

[Ithethwe ku-Ulibambe litjhisa mntwanami]

5.1.1 Buyelela umutjho ongenzasi kuthi esikhundleni segama elithalelweko utlole elinomqondo ofana nalo.

Uthe nakafika ngekhwitjhini wacabanga bona abazali bakhe abamthandi. (2)

5.1.2 Tlola amagama anobulili obuphikisana nalawo athalelweko.

Angathi nakalipholisa adelele indoda, ahloniphe nososokana. (2)

5.1.3 Buyelela utlole umutjho kodwana ube sesikhathini esadlula kade.

UDlozi uzokufika emsebenzini, abikele ukapteni wabo. (2)

5.1.4 Ingabe mqondo wuphi olethwa magama athalelweko emutjhwani ongenzasi.

UDlozi uyazi bona uyise libhubezi. (2)

5.1.5 Buyelela utlole umutjho ongenzasi kodwana uveze ubunengi.

Unalo ilungelo. (2)

5.1.6 Tjhugulula umutjho ongenzasi ube sifenqo esisifaniso.

Uyamazi uyise bona libhubezi. (2)

5.1.7 Thatha ihlathululo yesitjho esithalelweko uzakhele ngayo umutjho.

UDlozi ukusa kwaziwa nguye ukwenzela bona ayokukhuluma nokapteni. (2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G



5.2.1 Tlola isirhunyezo segama elithalelweko emutjhweni ongenzasi.

UDorhoda ujova umuntu wengubo ukumvikela ebulweleni beCovid-19. (1)

5.2.2 Buyelela utlole umutjho ongenzasi bese unciphisa igama elithalelweko.

UDorhoda wembethe amarhalasi wamehlo. (1)

5.2.3 Tlola iinkhekhe zekulumo EZIMBILI ezakhe ibizo elithalelweko emutjhweni ongenzasi.

Ubuye godu lapha emtholapilo uzokufumana wesibili umjovo. (2)

5.2.4 Jamiselela ibinzana lamagama athalelweko emutjhweni ongenzasi ngegama elilodwa.

Ukujova kuqakathekile khulukhulu nasele iminyakakho ikhambakhambile. (1)

5.2.5 Tjhugulula umutjho ongenzasi kodwana uveze umqondo wokulandula.

Ubuye godu lapha emtholapilo. (1)
[20]

IMITLOMELO YESIGABA C: 40
INANI LOKE: 80